

## Plenchi

### Bèl a bati

Bèlèm bèlèm ta ora di subi nos plenchi di skol. Yega paso ta abo nos ta falta pa nos por kuminsá ku nos aktivitat. Nos tin un plenchi kla prepará pa bo. Kon a bai ku e temporada di reflekshon? Kon a bai ku e obranan spiritual? Ta un reto pero e ta bal la pena paso nos ta krese spiritualmente. Ta difisil den un mundu ku tantu material kosnan bunita pa nos keda di focus riba loke ta mas esensial den bida. Nos enrikesementu spiritual i no material. Djis pense un ratu. Kuantu di e kosnan material ku bo tin bo mester di dje egt? Tantu adorno den bo kas. Kambia kortina tur aña. Kambia stulnan tur aña etc. E ta ponebu biba mas mihó? E ta hasibu mas felis? Pa ken bo ta hasie pa otro wak of pa bo mes. Dikon bo mester di tantu material pa bo sinti felis? Despues tantu dia pa limpia i tene na ordu, enbes di mas tempu pa interkambia ku bo famia. Tur kos na midi, nada eksagerá.

### Aña di Misericordia



## **Den agènda**

### **Fakansi di skol**

- 24 mart t/k 1 april 2016
- 25 april t/k 8 april 2016

## **Mi ta konta**

### **E porko**

**Un dia un porko a disidi di bai landa den un baki grandi di awa den un mondi. Ora e tabata landando un tiger a yega serka pa bebe poko awa. Pero e holo tabata asina stinki ku e no por a bebe e awa. El a disidi di baha bai lihé for di e sitio. E porko a gosa e kos masha. El a sintié un heroe paso e tiger a mire pero a kore pé. El a grita e tiger: “kobarde, kobarde. Miedu di mi bo tin no? Bin bringa no, bon..bin.” E tiger a respondé: “mañan kisas, awe sigur ku no.” Anto el a kore bai leu for di e sitio. E porko a yega kas masha orguyoso i a konta su mayornan kon e tiger a kore pe. Tambe ku el a bise ku lo e bin mañan. E tata porko a bira tur ariba bou. “Mi yu, mi yu no ta miedu di bo e tin. Ta bo holo stinki a pone kore. Bo a hinka bo mes den gran problema.”**

**E porko a spanta masha. E tata a siñe mesora pa e lora su kurpa den shushi su manise pa asina e ta hole bon stinki. Esei so por kore ku e tiger. Dicho hecho. Ora e tiger a yega serka i holo a dal e, mesora el a bati retirada. For di e dia ei e porko a siña ku ta su holo so por skape i morto.**

## **Un preñchi**

**Tim di skolnan katólíko ta siguiendo diferente kurso pa forma nan mes. Tanto riba aspektonan pedagógiko didáktiko, komo riba aspektonan general di prevenshon. Riba e potrètnan boso por mira un training di brandweer masha eksitoso. Personal ta siña kon prevení pero tambe kon aktua den kaso di kandela. E formashon i informashon aki ta di interes pa skol pero tambe pa kada persona den su bida diario. E partisipashon tabata hopi bon. Brandweer ta hasiendo tremendo trabou.**





## **Mucha djispou**

**Mener Jansen ta puntra su muchanan kiko kua bestia i nan balor.**

**“Di galiña nos ta haña?”**

**Mucha: “Webu mener”**

**Mucha: “pia galiña mener”**

**Mucha: “Puitu mener**

**Mener: “Di porko nos ta haña?”**

**Mucha:”Pork chop, mener.”**

**Mucha: “sult mener”**

**Mucha: “trabou mener. Mi mama ta bisa e tata porko di mi ta dune trabou so.”**